



UNIVERSITÄTS-  
BIBLIOTHEK  
PADERBORN

**Scientia Salvts, Sive Considerationes Piæ, Præcipuam  
Spiritualis Vitæ Materiam complectens**

**Laberhittel, Samuel**

**Ingolstadii, 1660**

64. Fer. 2. De duobus comitibus D. lesv dolore & amore.

---

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

10. ut vitam habeant, & abundantius habeant.  
 Veni D. IESU, ut vitam habeam, & abundantius habeam, imò & abundantissimè habeam; quæ nulla morte exhauriri possit, eadem leni semper fluat agmine; sit vivacissima, sit tacitè labens, ut a quæ Siloë in silentio fluentes: Ut flamma sursum semper tendens, non strepens, nec fumans, ut ignis celestis, ipsique coeli semper se moventes sine strepitu. Ut à vinculis peccatorum redimat vincetos; vitam æternam det mortalibus, Filios hominum Filios Dei faciat, ac hæredes suos autem cohæredes: Abscondat vitam nostram cum Deo immortali, ad quem mortuus non habet accessum: Ignem concupiscentiarum extinguat, ignem amoris sui ut oleum accendat. Ut quasi cum lacte omnem Puritatem ac Matris ingenuitatem, veritatem, & similitudinem fugam, dum eum in SS. Eucharistia sub accidentibus, velut Reliquiari inclusum, suscipio: Cujus una in parte inter spiras & vites insculptum: *DEVS verus*: in altera: *Consecratione*: qui à D. Gerer. nominatur. *Vapor amoris*. L. 3. c. 10.

## MEDITATIO LXIV.

Feria 2. Dominica Sexages.

De duobus comitibus D. IESU, dolere

&amp; amore.

Au.

**A** Vidiam Amorem Musicae magistrum,  
cantantem; & sicut amori profano sem-  
per adjunctus est dolor, sic Dominum vide-  
bo stipatum gaudio, & dolore. Petam co-  
mitatui ejus jungi.

*Conf. 1.* Quod Passio Christi ut malum  
naturale, poena legalis debita peccatis no-  
stris, sit lugubris: quia omnia continens ab  
omnibus fuit derelictus. Innocentia rea:  
Gloria infamis: **D**EVUS debitor: Dominus  
servituti subjectus: Solamen universi usque  
ad mortem contristatum: Inpassibilis supra  
vires passus, & praecruce cruciatibus emortuus.  
Lacrima cordis spoliavit se, lumine honoris,  
salute corporis, decore aspectus, thesauro  
vitae, qui erat vita, pulchritudo, salus, glo-  
ria, & omne gaudium; quae exinanitio gignit  
necessario dolorem majorem Angelis pacis  
amarè flentibus. Adeo fuit Passio Christi re-  
pleta malis, quorum non est numerus: Malis, non  
peccatis: sed pro quibus ut satisfaceret, mala  
illa suscepit, peccata autem non satisfaciunt, sed  
aggravant. Copatior Dñ. tot poenis immerso.

*Conf. 2.* Quod Passio Christi considerata  
ut Evangelium, seu bonum nuntium, ut li-  
beratio generis humani, ut destructio ope-  
rum diaboli, peccati, mortis, inferni, ut ac-  
quisitio veniae, gratiae, gloriae; quia ex merito  
**Christi omnes electi scripti sunt in Libro vi-**

104 *Feria 3. Dom. Sexages.*

*tæ: Tale necessario gignit gaudium, ut ipsi Dominus vicinior morti, tantorum bonorum matri, lætus, more Cygni, hymnum dixerit. Et Hymno dicto exierunt, Marc. 14.*

*Conf. 3. Quomodo Passio Dominica me impellat ad sui lætam imitationem: Per ipsam enim DEVS iratus ad mitiora super nos movetur consilia pacis: hæc est compendiosior ad æternam beatitatem via: Hæc ad supremum totius perfectionis fastigium certa semita: Hæc ad Deum contemplandum ductrix, ex cujus contemplatione debere nos Deo omnia, & adhuc plura cognoscimus.*

MEDITATIO LXV.

*Feria 3. Dom. Sexages.*

*De Contentione.*

**A**spiciam & audiam de majoratu contententes, & à Domino reprehensos. Petam agnoscere, & evitare vitium contentionis.

*Conf. 1. Contentio est concertatio, seu pugna verborum cum desiderio vincendi, sive simulato, sive vero. Hæc facillimè incurritur, & inter discipulos orta est: quia Domino ex hominibus migraturo oportebat aliquem vicem ejus gerere, & aliorum principem fieri.*

*Conf. 2. Quomodo eos pius Magister non inita contentionis arguat, sed formam humilitatis, quam sequantur, describat: Vos au-*

*tem*